



門凡2
號3117
卷

鐵研齋

鐵研齋

鐵研齋

鐵研

齋軒軒書目

春翠
文庫

古者聖王設鞮譯之官置輶軒之使以通四方之志其事豈可忽哉且近世外虜狡焉啟疆往來出沒時有風浪之警方是之時頑然安固守陋不肯求飛耳長目之方寘虜情於弗問一日有緩急將何術防之耶此余所以有輶軒之歎也但余家貧力微所獲之書塵二止此不能多也然求志在於知虜情以為之備則如此亦足矣何必貴該博哉津藩齋藤正謙識

采覽異言五卷

筑後守源君美撰

鐵研齋軒軒書目

早稻田大學圖書館
28.10.1
藏書

增譯采覽異言十二卷 土浦山村昌永撰

輿地誌畧六卷 江戸青地林宗撰

吾邦傳西洋輿地之說者以源君美爲始然其書
卓創疎謬不尠至文化初山村昌永更增譯之其
說始備繼之舶來新書日益多四方之事日益明
矣於是青地林宗參酌校訂欲集大成之有志畧
之作惜乎其書僅止於歐羅巴及亞細亞南邊而
不及其他也或云是書更有定本藏於大府秘而
不傳余亦嘗於一友人宅見一本比余所藏更多
二卷但其所載係本邦及支那州郡不必待大西

人說而知故亦不補

西洋紀聞三卷 筑後守源君美撰

正德中羅瑪人投化君美奉台命與之對話因有
所譯述作二樣以進其一譯以漢文且有所取捨
是爲采覽異言其一譯以國字多異言所不載卽
爲此書是書本不許流傳實爲秘籍尤可珍也

職方外記六卷 西洋 艾儒畧增譯

坤輿外記一卷 極西 南懷仁著

右二部明末所撰明清人說五大洲本據此書世
多有之故不須余縷述

西洋雜記五卷

土浦山村昌永輯

明人得職方外記始知有五界萬國其說猶屬草創其後二百餘年以至今日清人說五界猶據外記不知有他書更詳者何其陋也我邦人每事承於漢土唯地理之學直承於西洋勝明清人遠矣昌永多譯西書闡明地學如是書有涉稍荒唐者然亦足以識其風土物產之概不至如漢人說外國之妄誕也

地學示蒙二卷

江戸青地林宗譯

地理之常學急於天文天文唯有授時之切民用

耳又委之星官可矣至於地理自風土之於政教山川之於險要其所關係者不少而其事皆爲君長者所當留心也林宗譯述此書首載測量之法終及各國風土人情簡約得要大有裨於地學其於通四方之志思過半矣

外蕃通書二十八卷

御書物奉行近藤守重輯

皇國與外蕃往復有善隣國寶記等書錄之但係唐韓二國事世又多有不必要者
東照公既戡定禍亂大修交際之道亡論朝鮮安南至印度及西洋諸國有來聘者輒引見之以禮

相接信使之往來東牘之往復日月不絕
台德大猷二公繼之亦然守重搜索秘府得當時
國書參之他書排次成編其功亦大後之論鄰好
者必有資考矣

邊要分界八卷

同前

守重身經歷邊界加以該博之學廣徵羣書以
成此書條理秩然可備實用勿以人而廢言可矣
守重著書甚多皆適世用其學尤長外事如此書
及安南記畧阿瑪港記畧殊為精詳二書未暇錄
寫姑購是書以登於編

蝦夷志一卷

筑後守源君美撰

蝦夷拾遺一卷

圖附

幕府差吏佐藤玄六郎撰

蝦夷草紙一卷

幕府差吏最上德內撰

北海隨筆二卷

撰人名闕

蝦夷初發記一卷

撰人名闕

東游紀行一卷

撰人名闕

右六部皆詳蝦夷地方山川人物及諸雜事君美
之志鑿空未備佐藤係天明中差吏最上係文化
中差吏並身經歷其地補正之其餘三部不知何
人所撰亦皆記其所目擊並可信徵也考北陸事

者必有資於此矣

北海雜記二卷

撰人名闕

蝦夷亂記一卷

撰人名闕

蝦夷談話五卷

撰人名闕

松前蝦夷蜂起次第一卷 撰人名闕

前三部紀沙具沙允之亂後一部紀丹夷之叛並不知何人所錄二夷皆蠢然一小醜耳撫御失所輒嘯集竊發煩官軍征誅守邊者宜以此爲鑒戒

東韃紀行二卷

幕府差吏問宮倫宗話說

世以此書爲倫宗所手錄余識倫宗嘗舉此問之

倫宗曰是奉行所書吏筆錄吾話說者非吾所自著也吾別有所自著書十五卷秘之於篋底因約借寫而未能也姑錄是書以存梗概又有銅柱餘錄北蝦夷圖說詳載葛刺勿土地理物產諸雜事亦爲異言寫而藏之於國校倫宗水戶產大府之開蝦夷募人往窮滿洲地方倫宗慨然應募而行經葛刺勿土渡黑龍江抵山海關不得入而返往來陸行涉萬里之遠經兩歲之久饑渴窘困苦楚萬狀未嘗少動心亦偉男子也

海東諸國記一卷

朝鮮申叔舟撰

通文館志八卷

朝鮮金慶門撰

朝鮮有通文館專掌事大交隣之政事大者謂接
支那之禮交隣者謂通日本之禮其朝聘應對經
患當時垂法後昆者無不具載蓋在彼爲經國大
典而我得之亦足知制馭之方矣申叔舟嘗著海
東諸國記特詳我日本事實爲此書之嚆矢其臨
死言於其君成宗曰願國家無與日本失和後世
稍忘其遺誠事我不謹終致文祿之禍叔舟先見
之智憂國之志可嘉尙也慶門承其相國崔存窩
之意依申舟遺範以成是書致意於交際亦可謂

善後之策已被蕞爾小國尙爲謀國有人

臺灣物語一卷

撰人名闕

明末紅毛據臺灣我邦商旅奪其貨財長崎人
濱田彌兵衛與其子弟二人密受奉行命往執甲
必丹使盡償其所奪質其子而歸其後鄭成功舉
兵入臺灣盡驅逐紅毛人取其地爲之主余嘗謂
山田長政之建功暹羅須山彌兵衛之立威臺灣
并鄭成功而三其事並偉足以揚我皇威於海外
矣此書所載與鳩巢可觀錄長崎先民傳互有異
同俟他日校訂

暹羅物語二卷

長崎木下八右衛門錄

暹羅雜錄一卷

暹羅物語木下氏從知原宗因問山田長政遺事以紀述之詳其延寶六年跋語宗因稱五郎八從長政及其子阿因於暹羅周旋兵間老歸長崎以壽終云按長政本邦產新井氏采覽異言以爲伊勢人熊澤氏碎玉話以爲駿河人而是書獨爲屏張人不知孰是但其任駿府者確又諸書皆以長政爲暹羅王是書獨謂長政以功封菲都比琉至子阿因又封六昆並於暹羅爲屬國蓋暹羅亦爲

自立大國長政雖雄非數年間所裁定且考外蕃通書所載長政上執政酒井忠勝書自言其十有國上則是書所紀獨爲得信也其他事實亦皆出於目擊多可信者焉但事涉異域無他書可考證不能訂其疑也因遍搜於知舊之家又得無名氏國字紀事二篇姬路人河口光遠暹羅王詩序及駿河人稻川玄度石上玖所撰傳紀亦可以廣異聞乃勒爲一冊名曰暹羅雜錄玄度頃東平府中隱士以著述顯玖稱久次郎阿部川津吏嘗游我先師精里先生之門

渡天物語一卷

大坂市人宗心筆錄

宗心世所謂天竺德兵衛者也此書之說多虛誕但記其風土物產較如可信者要之葑菲之采節取之可矣

西域聞見錄八卷

清長白七十一椿園著

滿清之兵威遠覃西域諸國入其版圖秦漢以來所未曾有此書所記班固可考但此書特記遠西之事多屬繆傳如曰控噶爾威服鄂羅斯其國大於鄂羅他書所不概見殊孟浪之談不口平也

蒙古源流考八卷

蒙古小徹辰薩囊台古撰

書中所紀乃額納特珂克土伯特蒙古汗傳世次序及供養諸喇嘛闡揚佛教之事而其國中興衰治亂之跡亦多按年彙載既可以知其國事又可以參之唐宋元明之史以考其異同亦為一奇書

三國通覽一卷

附地圖五頁

仙臺林子平撰

補遺一卷

撰人名闕

予平當天明寬政之間嘗海國兵談及此書論北虜可慮獲罪下獄其圖說並雖多疎繆未嘗無裨益焉且其言至文化中果驗可謂先見之智矣

遺專敘魯西亞不知何人所編雖無奇特之論亦可備參攷豈亦有意邊防者歟繼子平論邊防者蒲生秀實有不恤緯一卷平山子龍有防海問答二卷秀實之說無發明子龍之說多粗暴日子龍譏斥子平以爲迂繆子平誠有不免迂繆者然迂繆之與粗暴其不中肯綮則一矣但先見之智子龍不得不讓子平一著

阿蘭陀來朝記一卷

此書不知何人所輯記諸外蕃事不獨阿蘭陀來朝一事也曰慶長五年阿蘭陀英吉斯始今互市

至元祿中凡百餘年間津港沿革監司黜陟以至市舶之增減洋貨之多寡一一臚列與新井氏新令由邊氏年表并觀之乃知國家待諸蕃之大畧矣

長崎年表舉要五卷

長崎田邊茂啟編

年表起貞享元年訖明和六年自船司交替蕃船出入凡事係本府者撮其要錄之考外蕃事者亦必有及於此矣又有長崎實錄大成亦爲茂啟作卷帙頗多余未能錄

瓊浦偶筆二卷

宇治平澤元愷撰

元愷好遊著漫游文卓五卷梓行於世此書亦雖
一時紀游之作間有係外蕃事者足以資考故錄
存之

魯西亞志二卷

幕府侍醫桂川甫周譯

魯西亞本紀畧三卷

長崎譯司前野熹譯

魯西亞在外蕃中尤為強大可慮之邦其風土人
情不可不詳也二氏並據蘭書譯述此編載其世
系治亂亦足知其大畧矣又有山村昌永著魯西
亞國志嘗藏之國校

魯西亞交易編二卷

長崎譯司馬場貞由譯

原書在蘭書菲私多窩利伊中貞由奉台命譯進
其由詳序例中蓋魯西亞在於極北大寒之地食
艱民鮮號為貧陋之區及由多祿第一世上起振
興庶政大開互市之利以贍民財子孫守其遺法
至今百有餘年除我日本外無所不通而其國富
庶疆土日拓嗚呼伯多祿開物成務之智隨土制
宜遂化貧為富變陋為華鬱為天下至大之邦其
國人仰以為聖人亦不誣也

漂民御覽記一卷

幕府侍醫桂川甫周輯

北槎聞畧十一卷

附錄一卷

同前

寬政中伊勢漂民自魯西亞歸大府召見之於吹
上苑詢彼中事甫周陪侍傳語因錄其問對是爲
御覽記初恨其不詳也召漂民於其宅細咨詢之
逐一割記是爲聞畧我邦未曾與魯西亞相通至
是人識其風俗情狀甫周之功實屬鑿空

環海異聞十六卷

仙臺大槻玄澤撰

文化初仙臺漂民自魯西亞歸玄澤與其儒臣志
村東藏共奉藩主命召見漂民詢其所親視自制
度法令至凡百技巧瑣屑細事及往來經歷之地
並皆登錄問者圖繪詳其形狀使觀者如身歷其

境而目擊其事比桂川氏之書更加周詳欲知北
虜情狀者觀此書則思過半矣

魯西亞來朝記一卷

撰人名闕

魯西亞人渡來記一卷

撰人名闕

北使護送伊勢漂民來者爲阿難辣瓜私滿護送
仙臺漂民來者爲歷沙諾都多二使之來並乞互
市幕府不許二役關係國家事體頗大二書皆錄
當時國書文案及諸雜事不知何人所輯雖亂雜
無章事多重複亦可以備參攷

北地日記一卷

備中久保田見達撰

北槎小錄一卷

江戸設樂間叟撰

二書並錄文化丁卯北地之變合而名之曰二叟談音二叟于役北地紀其所目擊皆實錄也當時余年廿餘歲在江戸稔聞其顛末多與二書所載合者爾來三十餘年世鮮知其實者或捏造僞妄以驚人耳目者有之况數百年後能無謬傳乎後之考北事者取證於此二書庶乎其不差矣

休明光記

闕本二冊
未見全書

安藝守羽太正養撰

大府之開蝦夷藝州爲奉行寄數千里之命鐘於松前及惠土呂府之變坐號令不行褫職黜退世

皆嗤笑之然當時事有曲折不可獨罪藝州也余少時逮識藝州爲人溫醇頗有學識及著此書不飾過不諱敗心術明白非俗吏可比惜乎孟明不再將秦軍魏尙不再守雲中無能立功自贖也噫松前紀行一卷

攝津守堀田正敦撰

堅田侯以人望人參大政功業赫耀世稱爲小白河及丁卯之變奉命往巡按松前地方東北諸侯皆受節度當時事出匆卒中外洶洶使他人當之將食不下咽侯猶雍容不廢歌咏有此紀行之作亦所以鎮物情也然自非以度量雄天下烏能

如是哉

遭厄日本紀事十二卷 魯西亞兀老尹撰

附錄二卷

魯西亞利哥兒多撰

二人皆爲魯西亞甲必丹當我文化中奉其國命航海測量蝦夷地方兀老尹與其下七人登惠土呂府島爲島吏所誘執送囚於松前翌年利哥兒多以其王命來乞於我皆得釋還二人各筆其所聞見以成此書傳於歐羅巴獨逸一譯之和蘭再譯之遂傳於我邦大府乃命馬場貞由等又譯之不卒業死又命青地林宗等續補成之蓋當時之

事我邦亦有筆之者且當時從事吏士猶存於都下從而詢之與是書所載吻合余於是知歐羅巴人於事精細非東洋人所及也抑自北事起我將士每不獲志使人長大息獨此役雖未足以張國威而小可絕彼窺覷之心是獨可喜也

謨烏爾陳情書一卷 西亞謨烏爾撰

謨烏爾以副船主從兀老尹來蝦夷同被執拘衆之逃獄謨烏爾獨留不肯從及相館奉行有所問卽以善對辭氣慷慨可謂虜中一男子矣且其末敘拂郎察之亂頗爲詳明村上貞助以奉行命譯

進貞助當時以譯司與虜人對話者也

邊警紀聞二卷

水戶友部好正輯

此書畧敘古昔三韓蒙古人寇以至於近世魯西亞英吉期之警具敘其本末井井有條未附蝦夷諸島圖亦爲詳密考邊事者必有資於此矣前是高崎大塚唯助著北陞杞憂一編傳於士林之間終不若是書之詳明也水府又有會澤恒藏者著新論陳邊防之策亦爲可觀余未暇錄也

嘆咏餘話一卷

撰人名闕

卷末自署知非齋不知何人其所以名書者亦不

知何謂但其論英吉斯頗詳偶閱書肆得之輒括於架上

拂郎察雜錄一卷

文政初余年猶弱冠在江戶見和蘭人所上風謨書謂拂郎察起兵殘滅西洋諸國遂及魯西亞兵敗被執流於絕島但荒遠之境化外之事無由問詰不可得詳也後十餘年西游京師見蠅子成子成言嘗游長崎遇蘭醫聞拂郎察土事心甚偉之因出示其所作長歌畧與余所聞同旣而得青地林宗所譯別理戾理安設記讀之載再舉以後之

事而不及其前焉又徧搜索之得長崎譯司所錄及高橋景保丙戌紀聞等冊予粗知其梗概與青地民所譯并抄錄之以完本末名曰拂郎察雜錄王名勃奈拔兒的克爾志革烏產本為一布衣當我寬政末勃興至文化十年而滅何其興之暴而滅之亟也然以十餘年間取伊斯把泥亞波兒杜瓦爾以下有名大國六七並執其王以子弟族屬代之抑亦偉矣蓋古今英雄唯厄勒祭亞歷山王東伐至印度河蒙古大祖鐵木真西征至鐵門關並斥地數萬里如秦皇漢武及我豐太閤未足以

比較焉勃奈拔兒的雖志業不終獨足以比之亦可不謂曠世之雄歟

卜那把盧的戰記一卷 岸和田小關三英原譯

余既輯拂郎察雜錄後聞小關氏考究西書著卜那把盧的戰記欲借讀之會三英死其書散逸不可得見為仙臺大槻瑞卿嘗一閱之以漢文譯之以立其傳來請余刪潤余大喜閱讀之比雜錄更詳且有異同乃畧加雌黃還之瑞卿又請瑞卿更寫一本實之秘笈

總計五十三部一百九十七卷其他清人著書

涉外國事者如七奇圖說奉使俄羅斯日記在
叢書中不必須登錄如龍沙紀畧總統紀畧眞
臘風土記海鳥逸志嘗瞥見之未能藏弄姑錄
其目以係於此

附圖

暹羅軍艦圖

有客出示一圖披而覽之廣亘一席中有一大艦
破海濤而進將士皆著我國裝執我國兵器而艦如
西洋之制檣桅四竿發煩十八門排列左右上畫賽
神之意欸曰寬永三年丙寅二月當國生今天竺暹
羅國住居山田仁左衛門尉長政其原圖製爲橫扁
在駿府淺間廟此爲其摹本按長政駿府市代元和
中出游暹羅會其國亂因爲其將有戰功封一王國
至是命工造此圖附商舶獻之宗社告其成功其智

勇功業比之鄭延平不多讓焉亦足以揚我皇國之威於異域豈不偉歟余嘗獲暹羅物語詳其事蹟今又收此圖足以相證焉且長政用我之兵器駕彼之軍艦東西長技兼而施之可以爲法講海防者其必有攷於此矣

魯西亞船圖跋

寬政四年有魯西亞使船來蝦夷鷄首以番字題曰
厄加的利那厄加的利那女王之名天明中我伊勢
舟人光入夫等漂到其國至是女王使其臣阿難辣
孤斯滿護送歸之事詳北槎門畧此船當時所乘也

者也松前家士某親造其圖送於江都士林傳之余亦命工傳寫以藏焉

軍國諸船

船圖七幀嘗從清水赤城所借寫一爲官船龍翔丸
文化中於松前所造有木檣有尾檣有大小筑窗爲
防海寇設者二爲三國九船底圖附焉長崎人舉原
某參酌泰西之制以造樣獻於官府者三爲九鬼氏
官船征韓之役所用唐山所謂露橈船者或此吳漢
橈船入蜀散圖六頁附製造之法具焉四爲車輪船
見後漢書柳川匠人所造五爲福州船天明中漂到熊野浦者

規制壯大武備志及紀効新書並謂利用防倭寇其說可並考六爲寧波船有畧圖有全圖有器械圖數頁附焉七爲無名軍艦從來我邦所用者也夫舟楫之用軍國所必需有古今之變東西之異講海防者不可不留心焉

萬國船號圖鑑

番船出沒於洋中者有商旅有寇賊有差遣使人徽號各異講海防者不可不識此冊題曰萬國船號圖鑑畧於亞細亞而詳於歐羅巴蓋出於西洋人所輯或云原本在長崎蘭館余嘗於一友人所見英吉斯

國所刻新圖更載北亞墨利加諸島之徽號如印度諸國亦多此冊所不載然則此冊爲百年前所輯可知也姑命兒格摹寫之以存梗概如其所不備俟他日續補云

西洋城郭圖

自織田氏城於安土海內城郭之制一變益效西洋之法云陋者不知以爲我邦古制本如此可笑之甚余嘗於蠻書中見城郭圖數幅姑摹其一二竄之縱笈使講築城之術者有所資考焉

英吉斯馬具圖

朝川五鼎獲英吉斯馬具一副供我公覽謙亦得預
觀焉蓋戰馬所用有面兼而無身甲鞍連汗屨並以
黃漆皮製之而無障泥蓋戰馬無障泥爲使我邦古
制亦然觀後三年合戰等圖則知之矣公使侍臣輩
以厯馬試之衆交替跨之兩足下垂皆不及鐙數寸
竟不能騎而罷西洋人身材之長亦可從而見焉乃
圖而存之

番軍交鬪圖

余閱蠻書偶得此兩軍交鬪圖亦足以見西洋人戰
鬪之狀故摸寫以藏之圖中有番字一行示蘭學者

皆不能讀蓋非蘭字也今雖不可知其爲何國之軍
何地之戰然一軍樹三日月旗知其爲都兒格一軍
旗號模糊難辨然知爲都兒格之敵者非百兒西亞
則魯西亞而已兩軍士卒皆著皮製步操短力騎操
短槍皆以隻手相刺擊其狀慢緩無發揚蹈厲之勢
不類我國戰鬪之圖圖畫之蹟雖未可盡信然亦可
得其髣髴焉明史稱紅毛恃巨艦大礮其人不善戰
蓋西人之武大抵皆然且西人畏都兒格長陸戰猶
且如此其他可知矣然近世西虜益善銃炮用之於
陸戰乃槍殆廢嚮見魯西亞戰伐圖萬銃叢進間以

大礮無一短兵是舍其短而用其長不可侮也然使
長將當之亦必有應之之術矣講兵者不可不預察
也

萬國地球全圖

當明氏之才利瑪竇自意太里亞來傳地球圖說於
是東洋人始知有五界萬國然猶屬卓創不能無紕
繆繼之述者世世有之未能盡改正焉甚者於南極
下妄置墨加蠟爾加洲其畫北高海長於東西短於
南北與真形相反其他可知矣至于七百五十六年
間當我安永年中英吉斯人哥烏玖親巡檢四大洲精究地

即更製新圖其為精詳一時號稱地理聖文化中縣
官命星官高橋作左衛門景保譯述地球景保乃據
哥氏之本參攷諸圖校訂刪補別製平面圖銅鑄之
以行世於是從前諸圖盡廢矣余有志於地理之學
欲獲高橋氏圖會景保坐事罪死地球之版沒入於
官不復搨出偶閱一書鋪購獲其寫本幸少舛訛乃
插之架上但苦紙質頗黑蠅頭細字模糊不明余眼
光漸耗遇陰雨之日則殆不能辨矣簡堂明府舊藏
刻本極為鮮明寓居相接屢得借覽焉遂囑塾生作
州玉置元揀紙之淨白者就而影之生能書書寫之

精妍不讓刻本之鮮明家奴市助又善裱褙之技乃
命裝褙於是五界萬國坐收之於環堵之間尤爲可
喜乃書其由附之

支氏地毬圖

有書賈持小地毬圖來求售曰原圖係蘭人支蒲兒
多所製余謂支氏近時舶來之人必有異聞旣而審
視譯述不詳傳寫多訛恨不見其原本無由校正但
比之哥氏之圖航海路多一線程其他地形亦有小
異固未嘗無補益也乃留而收之

右諸圖並係余家藏其他如西洋諸國都邑圖四

十二國人物圖等世多有之不必須寫至蘭舶所
傳新異日出力不能編及並俟他日續寫

錢研齋轉軸書

Blank manuscript page with vertical lines and a red seal.



